

四庫全書

史部

欽定四庫全書

史部

廣東通志卷八

九

詳校官監察御史臣龔驂文

檢討臣德生覆勘

總校官檢討臣何思鈞

校對官中書臣王 賓

謄錄監生臣施 銑

欽定四庫全書

廣東通志卷八

禮樂志

王者功成作樂治定制禮禮樂者移風易俗之根
柢也我

皇上建中和之極兼綜條貫金聲而玉振之所以禮至
正而樂大成矧

國家肇造九有涵煦節宣融液周徧八十餘年邊陲

遐域有尊

君親

上之義焉有家室和平之象焉有登降進反之文焉
有辟雍鐘鼓之樂焉雖雖肅肅禮明樂備蓋天下
之太平久矣舊志止載南海神廟以及壇壝祠宇
列祠祀志中而於諸大典缺焉未備亦珥筆之憾
也志禮樂

慶賀

萬壽聖節

恭遇是日五更文武各官衣朝衣齊赴

萬壽宮文武分東西入各至朝房設糾儀官二員一文官為之立東邊丹墀下一武官為之立西邊丹墀下禮生四名稟鼓二鼓三鼓行禮引至各拜位通贊唱序班行三跪九叩頭禮畢仍各回朝房少坐而退其外府州縣各行於本治

前三日後三日俱蟒衣坐班

儀仗

龍亭一 龍幄一 龍扇一 椅一

香亭一 龍傘一 梧杖二 盆一

立瓜二 臥瓜二 骨朶二 金鉞二

恭遇

皇后千秋令節元旦長至節儀注俱同

開讀

凡

朝使恭賚

詔書至本地官員衣朝衣具

龍亭彩輿儀仗鼓樂出郭外 日近亭肅迎

朝使捧

詔書置

龍亭中南向

朝使立於亭東本地官員北向行三跪九叩頭禮衆
官及鼓樂前導

朝使隨亭後行至公庭門外衆官先趨入文武分東

西序立候

龍亭至公庭中

朝使立

龍亭之東西向贊禮官通贊序班文官在東武官在西
樂作行三跪九叩頭禮

朝使捧

詔書授展讀官展讀官跪受詣開讀案前宣讀衆官皆
跪宣讀畢展讀官捧

詔書恭授

朝使朝使捧置

龍亭中衆官跪行三叩頭禮起又行二跪六叩頭禮三

品以上官跪請

聖安衆官退易服與

朝使行禮本地官仍具鼓樂恭送

詔書於日近亭

凡

詔書經過道路官員軍民人等俱於路旁俯伏候

詔書過方起如出使在外官員遇

詔書到處即出迎郊外至公庭中贊禮官贊出使官行
禮先引至露臺行三跪九叩頭禮然後本地官行
禮至開讀時出使官仍隨班跪聽一同行禮

凡

詔書經過及止宿地方先行知五里之內府州縣衛等

官俱出城迎接跪於道右候

詔書過方起至臨行時亦出城在道右跪送

宣講

聖諭暨

御頒大義覺迷錄

每月朔望預擇寬潔公所屆期文武官俱至衣蟒
衣禮生唱序班行三跪九叩頭禮興退班齊至講
所軍民人等環列肅聽禮生唱恭請開講司講生
詣香案前跪恭捧

上諭登臺木鐸老人跪宣讀畢禮生唱請宣講

上諭第一條司講生按次講畢復講大義覺迷錄數條

退

迎春

立春前一日各官吉服迎於東郊祭勾芒神至本

日衣朝衣祭勾芒神訖各執綵仗正官擊鼓三聲

環鞭土牛者三

祭

先農耕耜田

每歲仲春亥日巳時祭

先農壇午時行耕耜禮祭日承祭官率各官請神

位供於壇上衣朝衣行禮祭畢送位入祠

壇高二尺一寸
廣二丈五尺

牌高二尺四寸
廣六寸

座高五寸五分
廣

壇後祠宇

正房三配房各一正房中供

先農神位

紅牌金字

東正房

貯祭器農具

西正房

貯耜田米穀

東配房

置辦祭品

西配房

看守農民居住

藉田

四畝九分

置於東郊

祭品

帛一 白色 羊一

豕一

鉶一

籩四

豆四

簋二

簋二

儀注

祭日各官衣朝衣禮生引承祭官至拜位通贊

唱執事者各司其事陪祭官各就位承祭官就
位通贊唱瘞毛血禮生引詣盥洗所贊盥洗淨
巾引詣香案前贊迎神行二跪六叩頭禮興行
初獻禮引詣

神位前跪奠帛獻爵叩頭興詣讀祝位跪衆官皆
跪宣祝文畢叩頭興引唱復位通贊唱行亞獻
禮引詣

神位前跪獻爵叩頭興復位通贊唱行三獻禮如

亞獻儀通贊唱引福受胙引唱詣飲福受胙位
跪飲福酒受福胙叩頭興謝胙一跪三叩頭興
復位通贊唱徹饌送神行二跪六叩頭禮興通
贊唱司祝者捧祝司帛者捧帛各詣燎所引唱
詣望燎位焚畢揖復位通贊唱禮畢各官更蟒
衣詣耜田行耜耨禮

耜耨儀

一官捧青箱一官播種各官俱用右手扶犁左

手執鞭各行九推禮農夫終畝耕畢各回官廳

更朝衣望

闕恭行三跪九叩頭禮仍將遵行耕耤日期具奏

省城總督巡撫秉耒知縣執青箱知府播種府城知府秉耒佐貳執青箱知縣播種州縣則正印官秉耒佐貳執青箱播種專城衛所亦用正印官秉耒如無屬員即選擇耆老執青箱播種

耕耤器物

農具一 赤色

牛一 黑色

籽種箱一 青色

耕耤人役

耆老一名牽牛農夫二名扶犁農童六名唱歌

耕藉歌

聖朝鉅典念農祥吉亥修儀遍遠方
開府奉行王制美

共知

天子重耕桑

肅肅青壇翠幕張東風萬里布春陽
海疆共愜

深耕願早進

先農一炷香

悠揚鼓吹出東方父老謹呼擁道旁乍見青絃
躬耒耜預占綠野富倉箱

獵獵青旗貫綠楊珠璣寶馬自成行手携嘉種
從容布還似神仙跨五羊

短笠青簑映曉光千夫齊向九推旁一尊勞酒
同沾被遙浥

天田雨露香

杏花菖葉漫匆忙海上班春別有方時雨一犁

新社後木棉花赤菜花黃

朝成春水漲橫塘榕樹村中短犢忙趁取炎方

禾再熟新茶未出早分秧

海濱生計重開荒儘把勤勞格

上蒼遍鑿蘆洲成沃土漲沙隨處湧村庄

勸農恩禮倍尋常埤見郊原歲歲穰南陌東阡

催社鼓羔羊朋酒頌無疆

聖明天子重農桑丹鳳銜書到海疆擁節大臣宣德意

耜田開處麗春陽

六合清寧時雨暘華星常正驗農桑碧畦繡甸
東郊暖勤勸春耕答

九閭

先農壇畔集鸞鳳擇日占風禮數詳北望

天田陳

御耦青旗高拂五雲光

青原小隊肅分行粵秀山前草木芳翻起一犁

香土軟田歌傳入水雲鄉

成羣蓂莢盡村庄布穀聲中曉氣涼看罷九推
歸去早好乘新雨插新秧

課晴問雨莫嫌忙

黼座方披七月章要使耕夫齊舉趾并教饁婦競提筐
珠海潮生滿碧塘溉田早卜歲豐穰水車秧馬
時收拾容易秧禾壓隴長

和風甘雨潤炎方紫荔紅蕉六月香瑞穀生成

多九穗先春玉粒貢

神倉

逢年爭祝滿倉箱萬寶成時好築場飽喫田中
新熟稻大家擊壤咏陶唐

祭

文廟

每歲春秋上丁日致祭先期承祭官率陪祭各官

齊赴

文廟階下行一跪三叩頭禮教官滌器視牲并瘞毛
血至期黎明各官衣朝衣齊集行禮

正殿

至聖先師孔子神位

祭品

帛一 白色 牛一 羊一 豕一

登一 鉶二 簋二 簋二

籩十 豆十 酒罇一 白磁爵三

四配

復聖顏子

述聖子思子

宗聖曾子

亞聖孟子

祭品

帛四 白色

豕一

羊一

釧一

簠二

簋二

籩八

豆八

酒罇一

白磁爵三

十哲東五位

又加朱子一位

閔子名損

冉子名雍

端木子名賜

仲子名由

卜子名商

朱子名熹

祭品 五案朱子一位一案

帛一 白色 豕一

鉶各一 簠各一

簋各一 邊各四 豆各四 豕首一

白磁爵三

十哲西五位

冉子名耕

宰子名予

冉子名求

言子名偃

顓孫子名師

祭品與東五位同

東廡

遽瑗

澹臺滅明

原憲

南宮适

商瞿

漆雕開

司馬耕

有若

巫馬施

顏辛

曹卹

公孫龍

秦商

顏高

壤駟赤

石作蜀

公夏首

后處

奚容蒧

顏祖

句井疆

秦祖

縣成

公祖句茲

燕伋

樂欬

狄黑

孔忠

公西蒧

顏之僕

施之常

申振

左丘明

秦冉

牧皮

公都子

公孫丑

張載

程頤

公羊高

孔安國

毛萇

高堂生

鄭康成

諸葛亮

王通

司馬光

歐陽修

胡安國

尹焞

呂祖謙

蔡沈

陸九淵

陳淳

魏了翁

王栢

許衡

許謙

王守仁

薛瑄

羅欽順

陸隴其

祭品

帛一 白色 豕三

每案簋一

簋一

籩四

豆四

銅爵各一

西廡

林放

宓不齊

公冶長

公皙哀

高柴

樊須

商澤

梁鱣

冉孺

伯虔

冉季

漆雕徒父

漆雕哆

公西赤

任不齊

公良孺

公肩定

鄒單

罕父黑

榮旂

左人郢

鄭國

原亢

廉潔

叔仲嚮

公西輿如

邾巽

陳亢

琴張

步叔乘

秦非

顏嚮

顏何

縣亶

樂正克

萬章

周敦頤

程顥

邵雍

穀梁赤

伏勝

后蒼

董仲舒

杜子春

范甯

韓愈

范仲淹

胡瑗

楊時

羅從彥

李侗

張栻

黃幹

真德秀

何基

趙復

金履祥

陳澠

陳獻章

胡居仁

蔡清

祭品與東廡同

儀注

分獻陪祭各官入兩旁門序立贊引官導承祭
官至盥洗處盥手畢引至臺階下立典儀唱樂
舞生就位執事官各司其事分獻官陪祭官各
就位贊引官贊就位承祭官就拜位立分獻官
隨後立典儀唱迎神唱舉迎神樂奏咸平之章
樂作贊引官贊跪叩興承祭官陪祭官分獻官
俱行三跪九叩頭禮興樂止典儀唱奠帛行初

獻禮唱舉初獻樂奏寧平之章樂作贊引官贊
陞壇導承祭官由東階上進殿左門贊引官贊
詣

至聖先師孔子位前承祭官至案前立贊引官贊跪
叩興承祭官行一跪一叩頭禮贊引官贊奠帛
捧帛官以帛跪進承祭官接帛拱舉立獻畢贊
引官贊獻爵執爵官以爵跪進承祭官接爵拱
舉立獻畢行一跪一叩頭禮興贊引官贊詣讀

祝位承祭官詣讀祝位立讀祝官至祝案前一
跪三叩頭捧祝版立於案左樂止贊引官贊跪
承祭官讀祝官分獻官陪祭各官俱跪贊引官
贊讀祝讀畢捧祝至

正位前案上跪安帛匣內三叩頭退樂作贊引官
贊叩興承祭官及各官行三叩頭禮興贊引官
贊詣

復聖顏子位前承祭官就案前立贊引官贊跪叩

興承祭官一跪一叩頭興贊引官贊奠帛捧帛
官跪進於案左承祭官接帛拱舉立獻案上贊
引官贊獻爵執爵官跪進於案左承祭官接爵
拱舉立獻案上行一跪一叩頭禮興贊詣

宗聖曾子位前如前儀贊詣

述聖子思子位前如前儀贊詣

亞聖孟子位前如前儀其十哲兩廡分獻官俱照
前儀行禮畢贊引官贊復位承祭官分獻官仍

詣

至聖先師位前立樂止典儀唱行亞獻禮唱舉亞獻
樂奏安平之章樂作贊引官贊陞壇獻爵於左
如初獻儀贊引官贊復位承祭官分獻官各復
位立樂止典儀唱行三獻禮唱舉三獻樂奏景
平之章樂作贊引官贊陞壇獻爵於右如亞獻
儀贊引官贊復位承祭官分獻官各復位立樂
止典儀唱飲福受胙贊引官贊詣受福胙位承

祭官至殿內立捧酒胙官二員捧至

正位案前拱舉至飲福胙位右旁跪接福胙官二
員在左旁跪贊引官贊跪承祭官跪贊飲福酒
承祭官受爵拱舉授接爵官贊受福胙承祭官
受胙拱舉授接胙官贊引官贊叩興承祭官三
叩頭興贊復位承祭官復位立次行謝福胙禮
贊引官贊跪叩興承祭官分獻官及陪祀各官
俱行三跪九叩頭禮興典儀唱徹饌唱舉徹饌

樂奏咸平之章樂作徹訖樂止典儀唱送神唱
舉送神樂奏咸平之章樂作贊引官贊跪叩興
承祭官分獻官及陪祀各官皆行三跪九叩頭
禮興樂止典儀唱捧祝帛饌各詣燎位捧祝官
捧帛官至各位前一跪三叩頭捧起祝文在前
帛次之捧饌官跪不叩頭捧起在後俱送至燎
位承祭官退至西旁立候祝帛饌過仍復位立
典儀唱望燎唱舉望燎樂

與送神同樂作贊引官贊

詣望燎位導承祭官至燎位立祝帛焚訖樂止
贊引官贊禮畢退

樂章

迎神樂咸平之章 無舞

大哉太南
四工

至林聖仲道太德仲尊林崇仲維南持林王仲化太

斯林民仲是黃宗太典黃祀太有仲常林精南

純林並太隆仲神黃其南來林格仲於林昭仲

聖

黃合太四

容

初獻樂寧平之章 有舞

自太生

仲林尺

來

仲太四

誰

底合

其

仲上

盛

太四

惟

南工

師

林仲尺

明

太四

度

黃合

越

仲上

前

仲上

聖

太四

衆

仲上

帛

太四

具

仲林尺

成

禮黃合

容

太四

斯

林尺

稱

仲上

黍

太四

稷

南上

非

黃六

馨

林仲尺

維

南上

神

林尺

之

仲上

聽

太四

亞獻樂安平之章 有舞

大

太仲尺

哉

聖黃合

師

太四

寶

南工

天

林尺

生

仲上

德

太四

作

仲上

樂

四太

以仲崇

尺林

時仲祀

四太

無

尺林

數仲清

六黃

酤南

惟

上仲

馨仲嘉

尺林

牲仲孔

合黃

碩太薦

四太

羞南神

六黃

神

六黃

明

尺林

庶南幾

尺林

昭仲格

四太

三獻樂景平之章 有舞

百

上仲

王南宗

尺林

師仲生

尺林

民仲物

四太

軌黃瞻

六黃

瞻

六黃

之

工南

洋林洋

尺林

神仲林

上仲

其仲寧

四太

止黃酌

四太

彼黃

合黃

金

尺林

罍仲惟

上南

清林

尺林

且太旨

四仲

登仲獻

上太

惟林

尺林

三

上仲

於黃

六南

成林

尺林

禮仲

上仲

徹饌樂咸平之章 無舞

犧象

上仲太四

在前

尺林

豆

四太

籩

上仲

在

合黃

列

四太

以

太

享

上南工

以

尺林

薦

上仲

既

上仲

芬

尺林

既

四太

潔

上仲

禮

合黃

成

四太

樂

上仲

備

四太

人

上南工

和

尺林

神

上仲

悅

四太

祭

合黃

則

四太

受

上仲

福

上林

率

合黃

遵

上南工

無

尺林

越

上仲

送神樂咸平之章

望燎同

有

四太

嚴

上南工

學

尺林

宮

上仲

四

合黃

方

四太

來

上仲

崇

四太

恪

六黃

恭

上南工

祀

尺林

事

上仲

威

上南工

儀

尺林

雝

上仲

雝

四太

歆

上仲

茲

尺林

惟

工南馨尺林神上仲馭四太還尺林復上仲明六黃禋工南斯尺林

畢

上仲咸工南膺尺林百上仲福四太

樂器

麾

金鐘

玉磬

鼓

搏拊

祝

敔

琴

瑟

排簫

笙

簫

笛

塤

箎

舞譜

初獻

自

缺

生

蹈向裏
開齋舞

民

缺

來

起辭身向外
高舉齋面朝

誰

兩兩相對蹲
東西相向

底

合手蹲
朝上

其

正

盛

起平身出
左手立

惟

兩兩相對自下
而上東西相向

師

稍前舞舉
齋垂翟

神

中班轉身東西相向立惟
兩中
班十二人轉身俱東西相向

明

舉翟三
合齋

度

稍前向外
垂手舞

越

蹈向裏
垂手舞

前

向前合手謙進
步雙手合齋

聖

回身再謙退步側身
向外高手回面向上

衆

正蹲
朝上

帛

稍舞躬身挽手側身向
外呈簫耳邊面朝上

具

正
揖

成

起辭身挽手
復舉簫正立

禮

兩兩相對交簫兩
班俱東西手執簫

容

正
揖

斯

向外退挽手舉
簫向外面朝上

稱

回身
正立

泰

稍前
舞

稷

正蹲
朝上

非

左右垂手兩班上
俱雙垂手東西相向

馨

起合手
相向立

惟

左右側身垂手向
外開簫垂手舞

神

右側身垂手
向裏垂手舞

之

正揖
朝上

聽躬而受之躬身朝上拱
簫而受之三鼓畢起

亞獻

大

左右進步向
外垂手舞

哉

右向裏
垂手舞

聖

向外落簫
面朝上

師

退回正
身立

賓

正
蹲

天

起身向前
轉向外舞

生

向裏
舞

德

合手謙進步向前
雙手合簫存謙

作

兩兩相對自下而上
兩班相對舉簫東西

樂

上下俱垂手惟兩
中班上下十二人

俱垂手轉身
東西相向

以
相轉身東西
相向立

崇

相向立兩班上
下以翟相籥

時

稍前舞蹈兩班上
下俱垂手向外

祀

向裏垂
手舞

無

合手謙進步向
前垂手合籥

斲

回身再謙兩班上下
東西相向合籥立

清

稍前舞向
外開籥翟

酤

向裏
舞

惟

雙手平執籥
翟開籥翟

馨

合籥翟朝
上正立

嘉

側手垂左手兩班
俱垂手向外舞

牲

躬身
正揖

孔

雙手舞籥
翟躬身

碩

躬而受之躬身朝上
拱籥受之一鼓而起

薦

一叩頭舉
右手叩頭

羞

舉左手
叩頭

神

復舉右
手叩頭

明

拜一鼓畢即起
躬身三鼓平身

庶

三舞蹈舉簫
向左躬身舞

幾

舉簫向
右躬身舞

昭

舉簫復向
左躬身舞

格

拱簫躬身
而受之

三獻

百

向外開
簫舞

王

向裏開
簫舞

宗

側身向外
面朝上

師

朝上
正立

生

兩班上下兩
兩相對交簫

民

合手朝
上正蹲

物

側身向
裏落簫

軌

合簫朝
上正立

瞻

向外開
簫舞

之

向裏開
簫舞

洋

開簫朝
上正立

洋

合簫

神

向外開
簫舞

其

向裏開
簫舞

寧

進步向前
雙手合簫

止

回身東西
相向手謙

酌

向外開
簫舞

彼

向裏開
簫舞

金

開簫朝
上正立

壘

合簫朝
上正立

惟

向外垂
手舞

清

向裏垂
手舞

且

朝上
正揖

旨

躬身而
受之

登

躬身向左右
合籥舞

獻

躬身向左右
合籥舞

惟

躬身復向
左右籥

三

合籥朝上拜
一鼓便起身

於

側身向外
垂手舞

嘻

側身向裏
垂手舞

成

朝上
正揖

禮

躬身朝南受之
三鼓畢起身

舞器

節

羽

籥

佾舞生三十六名

樂工五十二名

糾儀官二名

禮生五十名

崇聖祠

雍正元年追王五代

肇聖王木金父公正中南向

裕聖王祈父公東一室南向

詒聖王防叔公西一室南向

昌聖王伯夏公東二室南向

啓聖王叔梁公西二室南向

祭品 五案

帛五 白色 羊一 豕一 釧一

簋二 簋二 籩八 豆八

酒罇一 白磁爵三

配位

顏氏 無繇

孔氏 鯉

曾氏 點

孟孫氏

祭品 每位一案

帛二 白色 豕首一 簋一 簋一

籩四 豆四 豕肉一 每位銅爵三

東廡

周輔成

惇頤之父

程珣

顥頤之父

蔡元定

沈之父

西廡

張迪

載之父

朱松

熹之父

祭品

帛二 白色 簠一 簋一 簋四

豆四 豕肉一 每位銅爵三

儀注同正殿惟不用樂

名宦鄉賢二祠同時分祭儀同兩廡

祭

武廟

每歲春秋仲月及五月十三日致祭

春秋二祭祭品

帛一 白色牛一 豕一 羊一

邊十 豆十

五月十三日祭品 後殿不用牛餘同

帛一 白色牛一 豕一 羊一

果五盤

儀注

祭日贊引官引承祭官進左旁門至盥洗所贊
盥洗盥洗畢引至殿內行禮處立典儀唱執事

者各司其事贊引官贊就位引承祭官就位立
典儀唱迎神司香官捧香盒就香爐左邊立贊
引官引承祭官就香爐前立司香官跪贊引官
贊上香承祭官立將炷香接舉插爐內又上塊
香三次畢贊引官贊復位承祭官復位立贊引
官贊跪叩興承祭官行三跪九叩頭禮典儀唱
奠帛爵行初獻禮捧帛爵官將帛爵捧進

神位前奠帛官跪獻畢行三叩頭禮退執爵官立

獻畢退讀祝官詣安祝文桌前行一跪三叩頭
禮捧起祝文立贊引官贊跪承祭官讀祝官俱
跪贊讀祝讀畢捧至

神位前跪安盛帛盒內畢行三叩頭禮退贊引官
贊叩興承祭官行三叩頭禮立典儀唱行亞獻
禮執爵官照初獻禮獻畢退典儀唱行三獻禮
執爵官自案右邊照亞獻禮獻畢退典儀唱徹
饌唱送神贊引官贊跪叩興承祭官行三跪九

叩頭禮立典儀唱捧祝帛饌各詣燎位捧祝帛
香饌官各至

神位前俱跪捧祝帛官行三叩頭禮捧香饌官不
叩頭將祝帛香饌依序捧送承祭官退至西旁
立候捧祝帛各官過畢復位立贊引官贊詣望
燎位承祭官至燎爐前焚訖揖贊引官贊禮畢
退

祭後殿 雍正三年追封三代公爵

光昭公正中南向

裕昌公東一室南向

成忠公西一室南向

春秋二祭祭品

帛各一白色

豕各一

羊各一

籩豆各八

儀注

行二跪六叩頭禮承祭官詣 光昭公 裕昌

公成忠公各爐前奉香餘同前殿

諭祭

南海神

朝使恭賁

御祭文香帛至文武各官衣朝衣出郭跪迎登岸南海

番禺二縣官恭捧

御祭文香帛安置

龍亭內三品以上官跪請

聖安

龍亭先至公所中堂各官由各門進行三跪九叩頭禮
擇定祭期預日番禺縣至公所迎請行一跪三叩
頭禮備鼓樂儀仗引

龍亭至河邊各官衣朝衣跪送各回船至波羅廟番禺
縣行一跪三叩頭禮恭請登岸陪祭各官具吉服
鼓樂儀仗迎至廟內行一跪三叩頭禮至期黎明
各官齊集行禮儀注同歲祭惟讀祝官恭立宣讀

世祖章皇帝諭祭文

維

順治八年歲次辛卯四月丁未朔越七日癸丑

皇帝遣翰林院提督四彝譯館太常寺少卿孫珪致祭于

南海之神曰惟神周環滄碧控納沅湘德配離明

澤敷厚載朕膺

天命奄有多方謹遣帟官代陳殷薦伏惟

鑒饗

聖祖仁皇帝諭祭文

維

康熙六年歲次丁未八月癸酉朔越十七日己丑

皇帝遣都察院右副都御史董篤行致祭于

南海之神曰惟神周環滄碧控納百川德配離明

澤敷厚載朕躬親政務祇荷神庥特遣專官用申

殷薦惟神鑒焉

維

康熙二十一年歲次壬戌五月戊申朔越二十日丁卯

皇帝遣經筵講官禮部左侍郎兼翰林院學士加一級楊正中致祭于

南海之神曰惟神環周南極涵潤炎荒萬里恬波
誕昭清晏朕祗承神祐疆宇蕩平特遣專官用中
殷薦惟神鑒焉

維

康熙二十四年歲次乙丑二月辛卯朔越十日庚子
皇帝遣詹事府少詹事兼翰林院侍講學士王士正致祭

于

南海之神曰惟神渟泓丹澤灑澹炎洲駭波不揚
遐荒效順朕茲省方時邁稽古常經特遣專官祇修
祀事神其鑒焉

維

康熙二十七年歲次戊辰十二月乙丑朔越十七日

丙辰

皇帝遣廣東等處承宣布政使司布政使張建績致祭于
南海之神曰惟神安瀾嶺外作潤炎方澤沛羣生
永昭清晏朕纘承

祖宗丕基虔供明祀茲以

皇祖妣孝莊仁宣誠憲恭懿翊天啓聖文皇后神主升祔
太廟禮成特遣專官秩祭惟神鑒焉

維

康熙三十五年歲次丙子正月戊午朔越二十七日
甲申

皇帝遣詹事府少詹事兼翰林院侍講學士李錄予致祭
于

南海之神曰惟神澤溥天池德濡離位薰風效順
炎徼安流朕勤恤民依永期殷阜邇年以來郡縣水
旱間告年穀歉登蚤夜孜孜深切軫念用是專官秩
祀為民祈福冀雨暘之時若庶稼穡之屢豐惟神

鑒焉

維

康熙三十六年歲次丁丑八月戊申朔越三日庚戌
皇帝遣都察院右副都御史熊一瀟致祭于

南海之神曰惟神離宮布德南極澄波溥澤無方
弘施莫測朕以剿除狡寇三履遐荒期掃邊塵乂安
中外今者祇承神祐塞北永清用告成功專官祇
祀惟神鑒焉

維

康熙四十二年歲次癸未四月丙子朔越十日乙酉
皇帝遣戶部右侍郎加七級范承烈致祭于

南海之神曰惟神澤沛天地利敷炎徼百川茹納
萬國朝宗朕祗承休命統馭寰區夙夜勤勞殫思上
理厯茲四十餘載今者適屆五旬海宇昇平民生樂
業見輿情之愛戴沛下土之恩膏特遣專官虔申秩
祀尚憑靈貺益錫繁禧佑我國家共登仁壽神其

鑒焉

維

康熙五十二年歲次癸巳七月庚申朔日丙午

皇帝遣都統馬雲霄致祭于

南海之神曰惟神德協離明功高長養永資廣利
流潤炎荒朕纘受鴻圖撫臨區宇殫思上理夙夜勤
求惟日孜孜不遑暇逸茲御極五十餘年適當六旬
初屆所幸四方寧謐百姓乂和稼穡歲登風雨時若

惟庶徵之協應爰羣祀之虔修特差官式循舊典冀
益贊雍熙之運尚永昭仁壽之休俯鑒精忱用垂歆
格

維

康熙五十八年歲次己亥孟夏月癸卯朔越辛酉日

皇帝遣翰林院侍講學士加一級李紱致祭于

南海之神曰惟神長養功弘離明德懋潤流嶺嶠
利溥炎方朕纘承

祖宗丕基虔恭明祀茲以

皇妣孝惠仁憲端懿純德順天翼承章皇后神主升祔

太廟禮成特遣專官用申秩祭惟神鑒焉

今上皇帝諭祭文

維

雍正元年歲次癸卯三月庚辰朔越二十一日庚子
皇帝遣翰林院侍講學士涂天相致祭于

南海之神曰惟神德協離明功高長養永資廣利

流潤炎荒朕纘受丕基新承景命竊念

皇考膺圖以來百靈效順四海從風坐享昇平六十餘載
茲當嗣位之始宜隆享祀之儀特遣專官虔申昭告
惟冀時和歲稔物阜民安淳風遍洽乎寰區厚德長
敷於率土尚其歆格鑒此精誠

維

雍正三年歲次乙巳五月戊戌朔越十二日己酉

皇帝遣巡撫廣東等處地方提督軍務兼理糧餉都察院

右副都御史加六級年希堯致祭于

南海之神曰惟神流滋炎域容納百川功弘長養
庶類蕃昌朕撫馭寰區考稽典禮將祈福以庇民宜
加封而致祭爰命所司崇

神封號曰南海昭明龍王之神所冀波瀾永息蒸黎
獲利濟之安風雨以時稼穡享屢豐之慶神其昭
鑒來享苾芬

本地官員祭

南海神廟

每歲春秋仲月壬日致祭先期陪祭官赴廟省牲
祭品

帛一 白色 牛一 豕一 羊一

登一 鉶一 籩十 豆十

簋二 簠二 酒爵三

儀注

祭日主祭官衣蟒衣禮生稟請行禮至盥洗所

贊盥洗盥洗畢引至殿內行禮處立通贊唱執
事者各司其事陪祭官各就位主祭官就位瘞
毛血迎神行二跪六叩頭禮興行初獻禮引唱
詣酒樽所司樽者舉幕酌酒詣

神位前跪進帛進爵叩頭興詣讀祝位跪衆官皆
跪讀祝畢叩頭俱興復位通贊唱行亞獻禮如
初獻儀行三獻禮如亞獻儀通贊唱飲福受胙
引唱詣飲福受胙位跪飲福酒受福胙叩頭興

謝胙一跪三叩頭興復位通贊唱徹饌送神行
二跪六叩頭禮興司祝者捧祝司帛者捧帛各
詣沉帛所引唱詣望沉帛位引承祭官至河邊
揖復位禮畢

雍正五年赴京迎請

龍神建祠致祭如祭南海神廟儀

祭

社稷壇

每歲春秋仲月上戊日出主於壇而祭之

祭品

帛一 黑色 豕一 羊一 鉶一

籩四 豆四 簋二 簠二

儀注同先農壇

祭

風雲雷雨

山川

城隍之神共一壇

每歲春秋仲月合祭風雲雷雨居中

帛四

山川居

左帛二城隍居右

帛一俱白色

祭品儀注與社稷同

祭厲壇

每歲清明日七月望十月朔請城隍之神出主其

祭榜無祀鬼神分祀之羊三豕三飯米三石香燭

酒紙隨用祭時有告城隍文

軍牙六纛霜降日武官致祭帛一羊一豕一

天后宮春秋癸日有司致祭儀同名宦

全節廟春秋二仲日新會縣官致祭如古帝王儀

大忠祠祭用全節廟之明日儀同名宦

楊信民謚恭惠祠有司於三月十二日致祭儀同名

宦

張九齡謚文獻祠春秋二仲丁後一日韶州府官致

祭儀同鄉賢

余靖謚襄祠春秋二仲丁後一日韶州府官致祭儀

同鄉賢

包拯諡孝肅祠春秋二仲日肇慶府官致祭儀同名

宦

誠敬夫人冼氏廟春秋二仲日電白縣官致祭儀同

名宦

靈山祠神有六曰靈山曰香山曰瓊崖曰定邊曰通

濟曰班師於三月九日瓊州府官致祭

忠義節孝二祠春秋有司致祭儀同鄉賢

救護

日食預行所屬官司前期設香案於露臺金鼓列
儀門樂人列臺下設拜位於露臺上俱向日至期
陰陽生報日初虧各官衣朝衣行三跪九叩頭禮
班首官上香畢正官擊鼓三聲衆鼓齊鳴及報圓
鼓聲止各官復行三跪九叩頭禮畢月食儀同

祈雨

在

龍王神廟注水盈缸內插柳枝設香案香蠟拜用席
僧道各一班開壇誦經禮生四名鼓吹一班各官
衣素服步行至廟禮生引至拜位通贊生唱行二
跪六叩頭禮宣疏文畢再行二跪六叩頭禮焚疏
文再揖禮畢俟雨水霑足酬神

祈晴

在

城隍廟設香案香蠟拜用紅氈僧道各一班開壇誦

經禮生四名鼓吹一班各官衣素服步行至廟禮
生引至拜位通贊生唱行一跪三叩頭禮宣疏文
畢再行一跪三叩頭禮焚疏文再揖禮畢俟天色
清明酬神

鹿鳴宴

發榜次早中式各舉人齊至督學衙門脫藍換青
簪花披紅詣府學謁拜

文廟畢出文明門由青雲路至宴所宴設布政司堂

上進大門內分東西立候監臨及督學至迎揖復
出大門候主考至迎揖恭設香案主考監臨督學
及司道俱衣朝衣望

闕行三跪九叩頭禮畢舉人肅班參拜先主考次監臨
次督學次提調監試次分考官各行四拜禮次鹽
法道行兩拜禮次場內執事及府廳州縣各官行
兩拜禮又左右分列對行兩拜禮畢司鐸執爵捧
盃唱名每五名一班各賜酒三爵解元委官送其

餘舉人司罇送各飲酒揖謝畢布政使送酒主考
監臨督學各坐定舉人進揖告坐依次出就席傳
樂童歌鹿鳴章歌畢舉人先撤席稟謝照例備匾
額彩亭彩旗鼓樂送歸主考監臨督學飲畢各回
鷹揚宴

發榜次早中式各舉人齊至督學衙門脫藍換青
簪花披紅詣府學謁拜

文廟畢出文明門由青雲路至宴所宴設布政司堂

上進大門內分東西立候典試及督學至迎揖恭設香案典試學院及司道廣州協俱衣朝衣望

闕行三跪九叩頭禮畢舉人肅班叅拜先典試次督學

次布按二司次提調監試次鹽法道次廣州協次知府及分考官各行四拜禮次場內執事及府廳州縣各官行兩拜禮又分左右對行兩拜禮畢司鐸執爵捧盃唱名每五名一班各賜酒三爵飲謝畢布政使送酒典試督學各坐定舉人進揖告坐

依次出就席舉人先撤席稟謝照例備匾額彩亭
彩旗鼓樂送歸典試督學飲畢各回

鄉飲酒

每歲正月十五十月初一日於儒學行禮前一日
執事者於儒學之講堂陳設坐次司正率執事者
習禮至日黎明執事者宰牲具饌主席及僚屬司
正先詣學遣人速賓僕以下比至執事者先報曰
賓至主席者率僚屬出迎於庠門之外以入主居

東賓居西三揖三讓而後升堂東西相向立贊兩
拜賓坐執事又報曰僎至主席又率僚屬出迎揖
讓升堂拜坐如前儀賓介俱至既就位執事者唱
司正揚觶執事者引司正由西階至堂中北向立
執事者唱賓僎以下皆立唱揖司正賓僎以下皆
揖執事者以觶酌酒授司正司正舉酒曰恭惟
朝廷率由舊章敦崇禮教舉行鄉飲非為飲食凡我
長幼各相勸勉為臣盡忠為子盡孝長幼有序兄

友弟恭內睦宗族外和鄉里無或廢墜以忝所生
語畢執事者唱司正飲酒飲畢以觴授執事執事
者唱揖司正揖賓僎以下皆揖司正復位賓僎以
下皆復位唱讀律令執事者舉律令案于堂之中
引讀律令者詣案前北向立唱賓僎以下皆立行
揖禮如前讀畢復位執事者唱供饌案執事舉饌
案至賓前次僎次介次主三賓以下各以次舉訖
執事者唱獻賓主起席北面立執事斟酒以授主

主授爵詣賓前置於席稍退贊兩拜賓答拜訖執事又斟酒以授主主受爵詣僕前置於席交拜如前儀畢主退復位執事者唱賓酬酒賓起僕從之執事者斟酒授賓賓受爵詣主前置於席稍退贊兩拜賓僕主交拜訖各就位坐執事者分左右立介三賓衆賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱賓僕以下皆行

禮僎主僚屬居東賓介三賓衆賓居西贊兩拜訖
唱送賓以次下堂分東西行仍三揖出庠門而退
凡鄉飲酒禮序長幼崇賢良別奸頑其坐席間
高年德邵者居上高年淳篤者並之以次序齒
而列其有違條犯法者不許干於良善之席違
者罪以違制敢有諠譁失禮者揚觶者以禮責
之 主知府知州知縣如無正官佐貳官代位
于東南 大賓以致仕官為之位于西北 僎

擇于里年高有德之人位于東北 介以次長
位于西南 三賓以賓之次者為之位于賓主
介饌之後除賓饌外衆賓序齒列坐其僚屬則
序爵 司正以教職為之主揚觶以罰 贊禮
者以老成生員為之

鄉約

凡州縣城內及各大鄉村各立講約之所設約正
一人於舉貢生員內揀選老成有學行者為之值

月三四人選樸實謹守者為之置二籍德業可勸者為一籍過失可規者為一籍值月掌之月終則告于約正而授于其次每月朔日舉行先期值月預約同鄉之人夙興集于講約之所俟約正及耆老里長皆至相對三揖衆以齒分左右立設案于庭中值月向案北面立抗聲宣讀

聖諭廣訓各人肅聽約正復推說其義必剴切叮嚀務使警悟通曉未達者仍許其質問講畢於此鄉內

有善者衆推之有過者值月糾之約正詢其實狀
衆無異詞乃命值月分別書之值月遂讀記善籍
一遍其記過籍呈約正及耆老里長默視一遍皆
付值月收之事畢衆揖而退歲終則考校其善過
彙冊報于縣官設為勸懲之法有能改過者一體
獎勵使之鼓舞不倦

欽惟

天子為百神主為天下王朝賀

聖節宣敷

詔令典之重者必首及之至於

先農耕耜行於郡國

文廟則追王五世

武廟則追封三代從祀則增入諸賢以及忠孝節義
之倫咸附宮牆同歆血食禮云廟中者境內之象
也民知敬矣而道人復狗木鐸彰善癉惡樹之風
聲窮鄉僻壤之民莫不回心而嚮化幽明並闡洪

織畢備上本

聖慮之精詳下愜人心之懿好猗歟盛哉洵足為萬世
法矣

廣東通志卷八

欽定四庫全書

廣東通志卷九

海防志

聖人繼天立極威德周乎四表海隅日出罔不率俾而
慎固封守之道實有先事豫防之計焉海竟于粵
東地勢尤下號曰天池島綿嶼邈宜重控制爰繪
以圖像編入輿圖復綴輯籌海圖編地圖綜要紀
効新書粵大記各府縣志諸書以補舊志之所不

備者如左志海防

圖像

見輿圖志

形勢

東路

廣東列郡者十分為三路東路為惠潮二郡與福建連壤漳舶通番之所必經議者謂潮為嶺東之巨鎮拓林南澳俱係要區阨吭拊背之防不可一日緩而靖海海門蓬洲大城諸所又皆跬步海濤所賴以近保三陽遠

衛東嶺者也惠州海豐東南濱海其捷勝平海甲子門
皆係衝險然未知柘林為尤要也柘林乃南粵海道門
戶據三路之上游番舶自福趨廣悉由此入且去水寨
有一日之程柘林安則水寨安矣水寨安則惠潮安矣
是以東路尤宜以柘林為重其外碣石靖海甲子門海
澳雖視柘林稍次而舟師防禦各有汎地之責者奚可
少懈乎

中路

嶺南海濱諸郡左為惠潮右為高雷廉而廣州中處故
於此置省其責亦重矣環郡大洋風濤千里樓船屯哨
勢處中權三四月東南風汎厯考前明所患日本諸島
多自閩趨廣柘林為東路第一關鎖使先會兵守此則
可以遏其衝而不得泊矣其勢必越於中路之屯門鷄
棲佛堂門冷水角老萬山虎頭門等澳而南頭為尤甚
或泊以避潮或據為巢穴使添置兵船預為巡哨則必
不敢泊此矣其勢必厯峽門望門大小橫琴山零丁洋

仙女澳九竈山九星洋等處而西而浪白澳為尤甚乃
番船等候接濟之所也使添置兵船預為巡哨則亦不
敢泊此矣其勢必厯厓門寨海門萬斛山礮洲等處而
西而望峒澳為尤甚乃番船停留避風之門戶也使添
置兵船預為巡哨則又不敢泊此矣夫其來不得停泊
去不得接濟則海濱居民皆得安枕而臥矣

西路

議者謂廣東三路雖並稱險阨尤莫甚於東路亦莫便

於東路而中路次之西路高雷廉又次之西路防守之責可緩也是對日本倭島則然耳三郡逼近占城暹羅滿刺諸番島嶼森列故高州東連肇廣南憑滇渤神電所轄一帶海澳若連頭港汾州山兩家灘廣州灣為本府之南翰雷州突出海中三面環海其遂溪湛州澠州樂民等四十餘隘固為合衛三道門戶而海安海康黑石清道并徐聞錦囊諸所皆以合防海澳者也若廉州則尤為全廣重輕海北扼塞兩有攸寄視三嶺獨勞焉

西南雄郡如瓊為廉之外戶郡邑封疆無不濱海若白沙石瓊館頭文昌海安海康皆西路所當經畫者

衝要

自瓊州樂會縣接安南界起

海條奧

文昌縣界

舖前港

會同縣界

神應港

瓊州府界

豐盈浦

瓊州府界

麻頭浦

臨高縣界

呂灣浦

臨高縣界

田禾灣

儋州界

戕詐山

昌化所界

白沙營

感恩縣界

大洞天

崖州界

小洞天 崖州界

牙郎澳 陵水縣界

雙洲門 陵水縣界

七十二徑 欽州界

牙山 欽州界

淡水灣 欽州界

草木營 靈山縣界

烏雷山 靈山縣界

青嬰池 廉州府界

楊梅池 廉州府界

平江池 廉州府界

邵州 永安所界

泖洲 海安所界

澗洲 錦囊所界

調洲 石城千戶所界

獨猪山 石城千戶所界

硯州 寧川所界

小黃程 寧川所界

汾洲 寧川所界

青聚山 神電衛界

羅浮峯 神電衛界

海凌山 雙魚所界

小獲山 海朗所界

中獲山 陽江所界

大獲山 新寧縣界

西雄山 新會縣界

鵝洲山 新會縣界

萬斛山 順德縣界

上川山 順德縣界

石岐峯 香山縣界

蛇西山 南海番禺兩縣界

大南常山 南海番禺兩縣界

烏沙洋 白沙巡司界

九星洋 福安巡司界

珊瑚洲 東莞縣界

杯渡山 東莞縣界

合蘭洲 大鵬所界

馬鞍山 鐵岡驛界

寧洲山 惠州府界

桔洲山 惠州府界

記心洋 平海所界

徐娘山 海豐縣界

大星尖山 捷勝所界

吉頭峯 碣石衛界

前標峯 甲子門所界

陶娘灣 靖海所界

靖海壘 靖海所界

大浮山 海門所界

玉嶼山

海門所界

小柑山

蓬州所界

大柑山

大城所界

大京山

饒平縣界

共計五千里抵福建

謹按海程福建二千里抵浙江浙江二千七百里抵江南江南一千八百里抵山東山東一千三百里抵

盛京為鴨綠江朝鮮界海道之紆遠以廣東為最

衛所

今俱議裁存舊制以備參考

廣州衛

鎮州所

靈山所

永安所

南海衛

東莞所

大鵬所

廣海衛

海朗所

新會所

香山所

潮州衛

靖海所

海門所

蓬州所

大城所

碣石衛

平海所

海豐所

捷勝所

甲子門所

肇慶衛

陽江所

新興所

神電衛

寧川所

雙魚所

陽春所

雷州衛

樂民所

海康所

海安所

錦囊所

百城後所

海南衛

清瀾所

萬州所

南山所

沿海巡檢

廣州府

藥逕 在新會縣治西

潮連 在新會縣治東

牛肚 在新會縣治西

望高 在新寧縣治西南

沙村 在新會縣治南

大瓦 在新會縣治東

三水 在三水縣治南

江浦 在南海縣治西南

江村 在順德縣治西

都寧 在順德縣治南

馬寧 在順德縣治南

紫泥 在順德縣治南

神安 在南海縣治西

黃鼎 在南海縣治西

香山 在香山縣治西

茭塘 在番禺縣治南

五斗口 在南海縣治南

沙灣 在番禺縣治南

鹿步 在番禺縣治東

小黃圃 在香山縣治北

福永 在新安縣治西

缺口 在東莞縣治西

官富 在東莞縣治南

京山 在東莞縣治東北

惠州府

内外管 在歸善縣治南

碧甲 在歸善縣治南

鵝埠 在海豐縣治東

潮州府

神泉

在惠來縣治東南

葵潭

在惠來縣治西南

吉安

在潮陽縣治西北

門關

在潮陽縣治西北

招寧

在潮陽縣治東

鮑浦

在澄海縣治西

黃岡

在饒平縣治東南

肇慶府

立將

在新興縣治西南

沙崗

在開平縣治東南

高州府

凌祿

在石城縣治西

赤水

在茂名縣治南

廉州府

管界

在欽州治西北

長墩

在欽州治西

西鄉

在靈山縣治東北

如昔

在欽州治西北

沿海

在欽州治東南

林墟

在靈山縣治南

高仰

在合浦縣治西南

珠場

在合浦縣治東南

永平

在府治東北

雷州府

東場

在徐聞縣治西

寧海

在徐聞縣治東

湛川 在遂溪縣治東南

清道 在海康縣治西

瓊州府

舖前 在文昌縣治北

澄邁 在澄邁縣治西北

博舖 在臨高縣治北

青藍 在文昌縣治東

抱歲 在崖州治西

安海 在儋州治西南

通遠 在崖州治西

經畧

海宇昇平安瀾永慶志經畧者亦以前人籌畫精當姑識一二也

嚴洋禁

明都督萬表云向來海上漁船出近洋打魚樵柴無敢過海通番近因海禁漸弛勾引番船紛然來往海上各認所主承攬貨物裝載或五十艘或百餘艘成羣合黨分泊各港於沿海之地兼行擾害自後日本暹羅諸國無處不到又誘帶日本諸島倭借其强悍以為護翼故洋禁不得不嚴

明通政唐順之云洋禁之嚴有宜查其外出者有宜查其內伏者其外出者寸板下海嚴為稽察此大較也而

內伏不清則根株未拔宜責令軍衛有司將沿海居民
逐一清查造冊在官稽其生理時加約束如有游民廢
業行踪詭秘來往酌酢殊有可疑許令同里之人赴官
首告即於犯人名下追銀三十兩充賞本犯嚴究情由
從重論治若鄰佑人等知情故匿不先首告罪發之日
減本犯一等治之蓋保甲之法為弭盜之原而海濱多
逋逃數則尤不容不嚴也

精操演

明參議唐愛云陸兵可精操演海船則以風潮為主有難於操演者其緊要惟在舵工轉運趨向皆出其手遴選賞罰非總副叅遊之所當注意者乎

又云凡使船必用造船之人則不恡工料而且知愛惜領兵必用練兵之將則用心訓練而亦相識認故平日憲職練兵而禦敵付之武將非計也必令將官自練而兵憲不侵其權不奪其功然後可責其成效

禦海洋

明知府嚴中云海防不設險於海岸而設險於海中山
島此猶論北方邊務者不可但守近邊須遠守於邊牆
之外其見同也昔者余子俊嘗因脩外邊費財甚多其
後邊牆反易壞而難守何也離內地太遠照顧之力自
有所不遑也且如北邊之制每城壕相去六尺一軍守
之積而至於六百丈之遠不過守以千人而已六百丈
之間只此千人如何相策應而禦乎此與水兵哨船出
海太遠聲援不及備禦甚難同一義也

明海道副使譚綸云禦寇海洋使不得登岸策之上也
今之士夫皆主此說其實大海茫茫勦賊甚難蓋賊之
來也必乘風潮之順吾往迎之必逆風逆潮不其難乎
賊之去也亦必乘風潮之順吾同其順而追之愈追愈
遠能必其相及乎即使及矣逆風逆潮不難歸乎況賊
見我舟能必其不遠避乎運舵之間咫尺千里我能必
攻之乎故奸將專以風潮藉口實躲閃焉吾何所據以
查之耶陸戰則不然瞬息取勝勢不兩立將士不能作

樊講海戰不如講陸戰之為善而海戰不得不講者則固有稽察之道焉

固海岸

明通政唐順之云賊至不能禦之於海則海岸之守為緊關第二義賊新至饑疲巢穴未成擊之猶易延入內地縱盡殲之所損多矣然自來沿海戍守莫不以擁城觀望幸賊空過謂可免罪而不顧內地之有警內地戍守亦幸賊所不到而不肯策應沿海今却不然宜分定

沿海保護內地內地策應沿海沿海力戰倘有所損宜坐內地不能策應之罪內地有警沿海幸完宜坐沿海縱賊之罪又如同是一樣沿海地方賊由此方登岸此方却不擾累而擾累彼方賊由彼方登岸彼方却不擾累而擾累此方自來惟坐地方擾累者之罪今却不然宜并坐賊所從入其沿海文武將吏有能連次鏖戰抵遏賊鋒阻賊下船不得登岸深入者雖無首級以奇功論

明鎮撫蔡汝蘭云環海兵船之設其法不為不善其備不為不周矣然兵船未收全功者必有說焉夫茫茫巨洋極目無際雖於要害之處聯艦設備而疾風怒濤不時亦必擇善地而停泊焉豈得揚帆起旋常出洋口而能盡阻寇船之不入哉但能於大數內打得分數中幾分耳必欲其盡收全功以為經久不易之圖在於水陸夾攻盡之矣宜於春汛小汛先期一月將各道兵士督發各海口要害之處安營操練與兵船相表裏以為防

守萬全之計脫或盜賊潛入海口則水兵星羅於其外
陸兵雲布於其內其將至也擊其困憊既至也擊其先
登既登也擊其無備一鼓成擒可不血刃而收其全功
矣春汎之期不過三月將終四月將半小汎之期不過
九月將終十月將半過此則非風汎所利不必防矣
勤會哨

輿圖綜會云廣福浙三省大海相連地畫有限未可分
界以守也必嚴令各官於連界處會哨如在廣東者上

則哨至南澳等處與福建銅山之兵會福建必哨至浙江界浙江必哨至江南界江南必哨至山東界山東必哨至遼東界

謹瞭探

明兵備副使凌雲翼云哨探者兵之耳目也哨探既真則先事有備如沿海守把官員有警初至不聞知及已近岸倉皇失措矣今後把總官務要督同各哨官員多置哨船精選熟知水性之人遠出外洋分頭哨探如有

聲息先來傳報其附近各港官兵一聞警急隨合艚約會截擊大洋以獲制勝之功

兵船

廣海船

廣船視福船尤大其堅緻亦遠過之蓋廣船乃鐵力木所造福船不過松杉之類而已二船在海若相衝擊福船即碎不能當鐵力之堅也

開浪船

明叅將戚繼光云開浪以其頭尖故名喫水三四尺四槳一櫓其形如飛內可容三五十人不拘風潮順逆者也

蒼山船

蒼山船首尾皆闊帆櫓兼用風順則揚帆風息則盪槳其櫓設於船之兩傍腰半以後每傍五枝每枝二跳每跳二人方櫓之未用也以板閘於跳上常露跳頭於外其制以板隔為二層下層鎮之以石上一層為戰場中

一層穴梯而下臥榻在焉其張帆下旋皆在戰場之處
船之兩傍俱飾以粉蓋畧隘於廣船而關於沙船者也
用之衝敵頗便而捷

八槳船

八槳船但可供哨探之用不能撞擊

漁船

漁船於諸船中制至小材至簡工至約而其用為至重
何也以之出海每載三人一人執布帆一人執槳一人

執鳥嘴銃布帆輕捷無墊沒之虞易進易退隨波上下
敵舟瞭望所不及也

兩頭船

按大學衍義補有兩頭船之說蓋海運為船甚巨遇風
懼難旋轉兩頭製舵遇東風則西馳遇南風則北馳海
道諸船無逾其利益武備不嫌於多慮患不妨於遠也

蜈蚣船

船曰蜈蚣象形也其制始於東南外番專以駕佛郎機

銃銃之重者千斤至小者亦百五十斤其發之烈也雖
木石銅錫犯罔不碎觸罔不焦其達之迅也雖奔雷掣
電勢莫之疾神莫之追其法流入中國中國因用之諸
凡火攻之具砲箭鎗毬無以加焉

海行甚速而遲者鬪風故也惟蜈蚣船底尖面闊兩傍
列楫數十其行如飛而無傾覆之患除颶風暴作狂風
怒號外有無順逆皆可行矣況海中晝夜兩潮順流鼓
枻一日何嘗不數百里哉

沙船

水戰非鄉兵所慣乃沙民所宜蓋沙民生長海濱習知水性出入風濤如履平地然所置沙船僅可於各港協守小洋出哨若欲出赴大洋必須用巨船

沙船能調餞使鬪風然惟便於北洋而不便於南洋北洋淺南洋深也沙船底平不能破深水之大浪也北洋有滾塗浪福船蒼山船底尖最畏此浪沙船却不畏此北洋可拋鐵锚南洋水深惟可下木碇

戰船

廣之蒙衝戰艦勝於閩艚桅上有大小望斗雲棚望斗者古所謂爵室也居中候望若鳥雀之警示也雲棚者古所謂飛廬也望斗深廣各數尺中容三四人網以藤包以牛革衣以絳色布帛旁開一門出入每戰則班首立其中班首者一舟之性命所繫能倒上船桅於望斗中以鏢箭四面擊射勢便或銜刀挾盾飛越敵艦斬其帆檣或同蜚人沒水鑿船而乘間騰躍上船殺敵或抱

敵人入水淹溺之其便捷多此類艦旁有茫籬夾以松板編以藤蒙以犀兕綿被左右架大砲及火磚灰礮烟毬之屬尾梢作叉竿連棒又有箐竹樓櫓以隱蔽又或周身皆砲旋轉迴環首尾相為運用其捷莫當此戈船之最精者也其飄洋者曰白艚烏艚合鐵力大木為之形如槽然故曰艚首尾又狀海鰵白者有兩黑眼烏者有兩白眼海鰵遠見以為同類不吞噬其載人與貨物者曰舢舨製亦如關艦上施兵器及砲火飛石灰罌旁布

粵船

粵人善操舟故有鐵船紙人紙船鐵人之語蓋下海風濤多險其船厚重船底從一木以為梁而艙艚橫數木以為擔有梁擔則骨幹堅強食水可深風濤不能掀簸任載重大故曰鐵船船既厚重重則惟風濤所運人力不費小船一人一槳大船兩三人一櫓揚篷而行雖孱弱亦可利涉故曰紙人篷者船之司命其巨艦篷每當逆風挂之一橫一直而馳名曰扣篷諺所謂廣州大艚

舡使得兩頭風輸一篷羸一篷也橫行曰輸直行曰羸
篷飄也以蒲席為之亦曰簾也或以木葉為之曰帆葉
也每艦有二篷風正曰八字八字風在後則正在前則
橫故又有後八字風揚篷當中前八字風勾篷西東之
語其或舟子撮唇為吹竹葉聲及鳴金鼓以召風風至
二篷參差如飛鳥展翅左右相當其形亦如八字是皆
鐵船

洋船

洋船底二重皆以鐵力木厚三四尺者為之錮以滌青
石腦油泥油填以礪石矸以獨鹿木紮以藤篷以椰索
掟以鐵力木杪釘以枕榔篋篲淬釘以蛇皮內膏

秋

秋

海水鹹爛鐵妨磁石故皆不用鐵物云桅凡三一桅嘗
植二桅以風而植桅長者十四五丈或二三接中皆橫
一杆上有望斗容四十餘人又以木為人或升或降遍
置梯繩之間前木照後桅以黑鬼善沒者司之其舢小
者四圍皆密腹中僅留一孔自上而下飄洋時梢公縛

身挽下餘悉在船腹之中凡上舶容人千餘中者數百
皆有舵師厯師然必以羅經指南掌羅經者為一舶司
命毫末分利害焉每舶有羅經三一置神樓一舶尾一
在半桅之間必三鍼相對不爽乃敢行海大魚至以銅
銃擊而退之大魚去而波浪為怪以長劍斬之

其大小
詳外番

志

謹按水師以船為主舳艫艨艟前代制各不同今考
大畧於此我

朝雙篷舩船繒船趕繒船小白舩哨船等類其制度之精運用之巧所謂以船為車以楫為馬振揚國威萬古海氛永靖者也

歷朝海寇附

漢永初三年海賊張伯路等寇掠沿海九郡遣侍御史龐雄討平之

宋至道間海賊頻年入寇廣南西路轉運使陳堯叟討擒之

咸淳三年海盜陳明甫等據臨川鎮莞帥馬成旺討平之

元至正二十五年海賊麥福來等入寇潮州
明洪武二年倭犯惠潮諸州

四年倭寇海晏下川指揮楊景討平之

永樂七年倭陷廉州教授王翰死之

九年倭攻陷昌化千戶王偉死之

十九年倭寇靖海所指揮李珪討擒之

宣德八年倭犯儋州昌化指揮高昇等禦之

成化二年倭寇澄邁百戶項欽死之

弘治四年倭犯陵水

十六年琉球蔡伯烏等入掠東路地方指揮李序捕獲之

正德十二年倭犯澄邁臨高指揮徐爵討平之

嘉靖十三年海賊許折桂寇瓊雷指揮王守臣討平之
十四年海賊郭老寇大成所執致仕御史蘇信去

三十三年海賊何亞八等引倭入寇提督鮑象賢總兵
蔣傳討平之

三十七年倭犯揭陽入蓬州所官兵擊敗之
三十八年海賊犯揭陽僉事經房窠擊敗之

四十三年倭犯潮州提督吳桂芳總兵俞大猷討平之
隆慶三年把總周雲翔投倭作亂總督張瀚巡撫熊桴
討平之

四年倭寇廣海衛城陷指揮王正等死之

五年倭犯高雷提督殷正茂討平之

萬厯二年倭犯雙魚所提督殷正茂討平之

三年海寇林鳳突入廣澳總兵凌雲翼擊走之

八年廣海瓊廉倭番入寇總督劉堯誨討平之

三十一年倭犯海門叅將麻鎮擊走之

四十六年海賊袁進寇揭陽大掠而去

崇正三年海賊犯揭陽知縣馮元颺禦之

七年閩賊劉香流劫潮州官兵擊斬之

十七年閩賊姜世英等寇海陽饒平等縣官兵擊敗之
國朝

順治三年海賊陳斌初引倭入寇

四年海寇蘇成蘇利等攻惠州降之

後復叛大將軍王國光擊斬之

康熙二年平南王尚可喜勦海寇楊二楊三逐之

十九年海賊楊二寇文昌總兵蔡璋擊走之

謹按廣東三面距海接連島嶼風帆迅駛疾如飈
隼自漢以來亦云遯矣當其所過無不摧殘及其

遁也或潛匿林箐或出洋盜船雖爬梳漸滅而沿海居民不已大困乎我

國家承

天景運包大地以立宅羅九有以為藩海不揚波知中國有聖人焉此感彼應重譯來王奉正朔執玉帛者蓋自鴻濛既啟高下既辨以來其內壘外覃未有若斯之隆者也恭誌海防一卷以彰清晏鴻庥永永無極云

廣東通志卷九